



## KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: [www.kwp.gov.my](http://www.kwp.gov.my)

---

# SIARAN MEDIA

---

## UNTUK LIPUTAN MEDIA MASSA

### **1000 ORANG ASNAF DI WP LABUAN TERIMA SUMBANGAN PROGRAM NUR RAMADAN WILAYAH PERSEKUTUAN**

**LABUAN, 3 Jun 2017** – Kementerian Wilayah Persekutuan (KWP) dan Perbadanan Labuan (PL) bersama-sama komuniti pada hari ini di Program Nur Ramadan WP yang turut diserikan dengan kehadiran YB Menteri Wilayah Persekutuan, Datuk Seri Utama Tengku Adnan Bin Tengku Mansor di Balai Raya, Kampung Patau-Patau 2, Labuan dalam mengimarahkan bulan Ramadan Al-Mubarak.

2. Program Nur Ramadan Wilayah Persekutuan yang telah dilaksanakan sejak tahun 2010 merupakan program tahunan KWP dalam usaha mengeratkan silaturrahim antara pihak kerajaan dengan komuniti Wilayah Persekutuan. Objektif utama penganjuran program ini adalah untuk memperkukuh dan memperkayakan interaksi antara pihak KWP dan PL dengan warga Labuan dalam menerapkan nilai rasa kasih sayang dan prihatin khususnya kepada golongan susah dan mereka yang kurang berkemampuan.

3. Komuniti di Kampung Patau-Patau 2 memiliki keistimewaan dalam melaksanakan program berbentuk kemasyarakatan. Walaupun kedudukan kampung ini terletak di atas air namun sikap toleransi dan kerjasama dalam menjayakan sesuatu program amat mengagumkan. Ini merupakan faktor utama pemilihan Program Nur Ramadan diadakan di sini. Kedudukan kampung ini juga sangat strategik yang memudahkan orang ramai di kawasan berhampiran untuk sama – sama hadir memeriahkan majlis Nur Ramadan.

4. Program Nur Ramadan ini turut melibatkan golongan asnaf, anak-anak yatim, warga emas, ibu tunggal, OKU dan mereka yang kurang berkemampuan di WP Labuan. Masing-masing akan menerima sumbangan wang tunai RM150.00 setiap seorang sumbangan Majlis Agama Islam Wilayah Persekutuan (MAIWP) melalui Baitulmal. Setiap penerima sumbangan ini juga menerima 10 kilo beras dan 2 kilo gula sumbangan Yayasan Al Bukhary. Manakala, setiap masjid/surau yang terlibat dengan penganjuran program Nur Ramadan WP turut menerima sumbangan wang tunai RM30,000.00 dari Yayasan Wilayah Persekutuan bagi menaiktaraf kemudahan serta keperluan masjid atau surau. Kerjasama strategik KWP dengan pihak MAIWP, Yayasan Al Bukhary, dan Yayasan Wilayah Persekutuan bagi Program Nur Ramadan Wilayah Persekutuan ini adalah selaras dengan dasar kerajaan dalam melaksanakan *National Blue Ocean Strategy* (NBOS).

5. Adalah diharapkan 1000 orang asnaf penerima sumbangan Nur Ramadan WP pada hari ini dapat menggunakan sumbangan tersebut dalam menjalani kehidupan harian terutamanya di bulan Ramadan Al-Mubarak ini. Program Nur Ramadan ini dapat memberi impak yang besar kepada rakyat secara umum serta memberi peluang kepada komuniti untuk menyertai setiap program yang dianjurkan oleh pihak Kerajaan menerusi Pusat Khidmat Masyarakat Labuan. Ini seterusnya dapat mencetuskan semangat muhibbah antara masyarakat serta melahirkan rasa bersyukur kepada Allah S.W.T terhadap nikmatNya di bulan Ramadan yang mulia ini.

**Disediakan oleh:**

Bahagian Komunikasi Korporat

Kementerian Wilayah Persekutuan

WP Labuan

3 Jun 2017